

Bosna i Hercegovina
Federacija Bosne i Hercegovine
Unsko – sanski kanton
Općinski sud u Bihaću
Broj: 017-0-Su-25-000076/1
Bihać 17.10.2025. godine

Na osnovu člana 31. Zakona o sudovima u Federaciji Bosne i Hercegovine („Službene novine Federacije BiH“ broj: 38/05, 22/06, 63/10, 72/10, 7/13, 52/14 i 85/21) i člana 8. tačka j) Pravilnika o unutrašnjem sudskom poslovanju („Službeni glasnik Bosne i Hercegovine“ broj: 66/12, 54/17, 60/17, 30/18 i 83/22), te u skladu sa Strategijom za unapređenje rodne ravnopravnosti u pravosuđu Bosne i Hercegovine koju je usvojilo Visoko sudsko i tužilačko vijeće Bosne i Hercegovine, a u cilju osiguranja transparentnosti, jednakog postupanja prema strankama i prevencije nepravilnosti u radu, Predsjednik Općinskog suda u Bihaću donosi:

O D L U K A
O IMENOVANJU KONTAKT OSOBE ZA POSTUPANJE PO PRIJAVAMA
NEPRAVILNOSTI I NEJEDNAKOG POSTUPANJA SA STRANKAMA I
ZAPOSLENICIMA

Član 1.

Ovom Odlukom imenuje se kontakt osoba kojoj se mogu obratiti građani i zaposlenici Općinskog suda u Bihaću u slučajevima:

- sumnje na nepravilnosti u radu,
- neprofesionalnog ili nejednakog postupanja prema osobama koje dolaze u kontakt sa pravosudnom institucijom (stranke, svjedoci/svjedokinje i drugi) i zaposlenicima, kojima se povređuje pravo tih osoba na ravnopravan i jednak pristup sudu po osnovu roda i/ili spola.

Član 2.

Za kontakt osobu iz člana 1. ove odluke imenuje se:

Šejla Muratović, stručna saradnica Općinskog suda u Bihaću,

Kontakt: e-mail: sejla.muratovic@pravosudje.ba ili telefon: [+387 37 224-180](tel:+38737224180), lokal: 166.

Član 3.

Kontakt osoba:

- prima i evidentira pritužbe građana i zaposlenika,
- osigurava povjerljivost svih dostavljenih informacija,
- obavještava predsjednika suda o zaprimljenim prijavama,
- pokreće postupak provjere navoda i predlaže mjere za njihovo rješavanje,
- daje prijedloge za unapređenje aktivnosti Akcionog plana,
- izvještava o svom radu najmanje jednom godišnje.

Član 4.

Građani i zaposlenici mogu kontakt osobi podnijeti prijavu u pisanom ili elektronskom obliku, putem pošte, e-maila ili ličnim obraćanjem, bez straha od bilo kakvih negativnih posljedica.

Član 5.

Nosioci pravosudnih funkcija i ostali zaposlenici Općinskog suda u Bihaću obavijestit će kontakt osobu o situaciji, pojavi ili radnji koja na osnovu razumnog uvjerenja može dovesti do neravnopravnog postupanja prema osobama koje dolaze u kontakt sa pravosudnom institucijom, a s obzirom na rod i/ili spol.

Član 6.

Nosioci pravosudnih funkcija i ostali zaposlenici Općinskog suda u Bihaću pružat će kontakt osobi pomoć u provođenju aktivnosti *gender mainstreaming-a* i na njen zahtjev dostavljati potrebne podatke i informacije od značaja za provođenje Akcionog plana, a koje nisu u suprotnosti sa važećim propisima.

Član 7.

Kontakt osoba je dužna postupati nepristrasno, u skladu s važećim propisima, etičkim kodeksom i pravilima o zaštiti ličnih podataka.

Član 8.

Ova odluka stupa na snagu danom donošenja, a biće objavljena na oglasnoj ploči i internet stranici Općinskog suda u Bihaću.



Predsjednik suda
Aladin Bajrić

Dostavljeno:

1. Stručnoj saradnici Šejli Muratović
2. Svim zaposlenicima – putem e-maila
3. A/a